

四庫全書

子部

欽定四庫全書

子部

農政全書卷四十一

詳校官中書_臣寶汝翼

編修_臣倉聖脈覆勤

總校官進士_臣朱 鈐

校對官中書_臣高 中

謄錄監生_臣施 華

欽定四庫全書

農政全書卷四十一

牧養

六畜雜附

明 徐光啓 撰

禮記月令曰季春之月合羣牛騰馬遊牝于牧羣騰皆乘匹之

名仲夏之月遊牝別羣則繫騰駒孕任欲止為其牝氣有餘恐相蹄齧也

仲冬之月牛馬畜獸有放逸者取之不詰

陶朱公曰子欲速富當畜五牴

牛馬猪羊驢五畜之牴然畜牴則速富之術也

齊民要術曰服牛乘馬量其力能寒溫飲飼適其天性

如不肥充繁息者未之有也

凡馬驢駒初生忌灰氣遇新出爐者輒死

經雨者則不忌

四時類要曰凡驢馬牛羊收犢子駒羔法

常于市上伺候含重垂欲

生輒買取駒

一百五十日羊羔六十日皆能自活不復藉乳乳母好堪為種產者因留之以為種惡者還賣不

失本價坐贏駒犢還更買懷子孕者一歲之中牛馬驢得兩番羊得四倍羊羔臘月正月生者留以作種餘月

生者剝而賣之用二萬錢為羊本必歲收千口所留之種率皆精好與世絕殊不可同口而語之何必羔犢之

饒又羸酪之利也羔有死者皮好作裘
縞肉好作乾腊及作肉醬味又甚美

玄扈先生曰居近湖草廣之處則買小馬二十頭大騾
馬兩三頭又買小牛三十頭大牯牛三五頭構草屋數
十間使二人掌管牧養二人仍各授一便業以為日用
飲食之資久而羣聚增人牧守湖中自可任以休息養
之得法必致繁息且多得糞可以壅田

馬爾雅曰駒騊馬又曰宗廟齊毫戎事齊力田獵齊足

郭璞註曰齊毫尚純也齊
力尚強也齊足尚疾也

相馬經曰馬頭為王欲得方目為丞相欲得光脊為將軍欲得強腹脇為城郭欲得張四下為令欲得長凡相馬之法先除三羸五驚乃相其餘大頭小頸一羸弱脊大腹二羸小頸大蹄三羸大頭緩耳一驚長頸不折二驚短上長下三驚大髀短脅四驚淺骹薄騶五驚騶馬驪肩鹿毛闕黃馬驛駱馬皆善馬也馬生墮地無毛行千里溺舉一腳行五百里相馬不藏法肝欲得小耳小則肝小肝小識人意肺欲得大鼻大則肺大肺大則能

奔心欲得大目大則心大心大則猛利不驚目四滿則

朝暮健腎欲得小腸欲得厚且長腸厚則腹下廣方而

平脾欲得小膈腹小則脾小脾小則易養望之大就之

小筋馬也望之小就之大肉馬也皆可乘致致瘦欲得

見其肉

謂前肩
守肉

致肥欲得見其骨

骨謂
頭顱

馬龍顱突目平

脊大腹胫重有肉此三事備者亦千里馬也水火欲得

分

水火在鼻
兩孔間也

上唇欲急而方口中欲得紅而有光此馬

千里馬上齒欲鈎鈎則壽下齒欲鋸鋸則怒頷下欲深

下唇欲緩牙欲去齒一寸則四百里牙劍鋒則千里嗣

骨欲廉如織杼而濶又欲長

頰下側八骨是

目欲滿而澤眶欲

小上欲弓曲下欲直素中欲廉而張

素鼻孔上

陰中欲得平

股下主人欲小

股裏上近前也

陽裏欲高則怒

股中上之主人

額欲方而

平八肉欲大而明

耳下

玄中欲深

耳下近牙

耳欲小而銳如削

筒相去欲促鬢欲載中骨高二寸

鬢中骨也

易骨欲直

眼下直下

骨也頰欲開赤長膺下欲廣一尺以上名曰挾

一作扶

尺能

久走鞅欲方

頰前

喉欲曲而深胸欲直而出

髀間前向

鳧間欲

開望視之如雙鳧頸骨欲大肉次之髻欲桎而厚且折

季毛欲長多覆肝肺無病

髮後毛是

背欲短而方脊欲大而

抗胸筋欲大

夾脊筋也

飛鳧見者怒

胸欲筋也

三府欲齊

兩髀及中骨也

尻欲頽而方尾欲減本欲大脅肋欲大而窪名曰上渠

能久走龍趯欲廣而長升肉欲大而明

腓外肉也

輔肉欲大

而明

前脚

腸欲充脰小

膝

季肋欲張

短肋

懸薄欲厚而緩

脚

虎口欲開

股

腹下欲平滿善走名曰下渠日三百里

陽肉欲上而高起

腓外

髀欲廣厚汗溝欲深明直肉欲

方能久走

髀後肉也

輸

一作輪

鼠欲方

直肉下也

腠肉欲急

髀裏也

間

筋欲急短而減善細走

輪鼠下筋

機骨欲舉上曲如懸匡馬

頭欲高距骨欲出前間骨欲出前後曰

外見臨蹄骨也

附蟬欲

大前後目

夜眼

股欲薄而博善能走

後髀前骨

臂欲長而膝本

欲起有力

前脚膝上句前

肘後欲開能走膝欲方而痺髀骨欲

短兩肩骨欲深名曰前渠怒蹄欲厚三寸硬如石下欲

深而明其後開如鷄翼能久走相馬從頭始頭欲得高

峻如削成頭欲重宜少肉如剝兔頭壽骨欲得大如縣

絮苞圭石

壽骨者髮所生處也

白從額上入口名俞膺一名的顙

奴乘客死主棄棄市大亮馬也馬眼欲得高眶欲得端正骨欲得成三角睛欲得如懸鈴紫艷光目不四滿下脣急不愛人又踐不健食目中縷貫瞳子者五百里下上徹者千里睫亂者傷人目下而多白畏驚瞳子前後肉不滿皆凶惡若旋毛眼眶上壽四十年值眶骨中三十年值中眶下十八年在目下者不借睛却轉後白不見者喜旋而不前目睛欲得黃目欲大而光目皮欲得

厚目上白中有橫筋五百里上下徹者千里目中白縷者老馬子目赤睫亂齧人反睫者善奔傷人目下有橫毛不利人目有火字在者壽四十年目偏長一寸三百里目欲長大旋毛在目下名曰承泣不利人目中五采盡具五百里壽九十年良多血氣也驚多赤青肝氣也走多黃腸氣也材知多白骨氣也材多黑腎氣也驚用策乃使訛也白馬黑目不利人目多白却視有態畏物喜驚馬耳欲得相近而前豎小而厚一寸三百里三寸

千里耳欲得小而前竦耳欲得短殺者良植者驚小而
長者亦驚耳欲得小而促狀如斬竹筒耳方者千里如
斬筒七百里如雞距者五百里鼻孔欲得大鼻頭文如
王火字欲得明鼻上文如王公五十歲如火四十歲如
天三十歲如小一十歲如今十八歲如四八歲如宅七
歲鼻如水文二十歲鼻欲得廣而方脣不覆齒少食上
脣欲得急下脣欲得緩上脣欲得方下脣欲得厚而多
理故曰脣如板鞮御者啼黃馬白喙不利人口中色欲

得紅白如火光為善材多氣良且壽即黑不鮮明上盤
不通明為惡材少氣不壽一曰相馬氣發口中欲見紅
白色如穴中看此皆老壽一曰口中欲正赤上理文欲
使通直勿令斷錯口中青者三十歲如虹腹下皆不盡
壽駒齒死矣口吻欲得長口中色欲得鮮好旋毛在物
後為御禍不利人刺芻欲竟骨端刺芻者齒間肉齒左右蹉不
相當難御齒不周密不久疾不滿不原不能久走一歲
上下生乳齒各二二歲上下生齒各四三歲上下生齒

各六四歲上下生成齒二

成齒皆背三八四方生也

五歲上下著成

齒四六歲上下著成齒六

兩廂黃生區受麻子也

七歲齒兩邊黃

各缺區平受米八歲上下盡區如一受麥九歲下中央

兩齒曰受米十歲下中央四齒曰十一歲下六齒盡曰

十二歲下中央兩齒平十三歲下中央四齒平十四歲

下中央六齒平十五歲上中央兩齒曰十六歲上中央

四齒曰

若看上齒依下齒次第者

十七歲上中央六齒皆曰十八歲

上中央兩齒平十九歲上中央四齒平二十歲上中央

六齒平二十一歲下中央兩齒黃二十二歲下中央四齒黃二十三歲下中央六齒盡黃二十四歲上中央二齒黃二十五歲上中央四齒黃二十六歲上中央六齒盡黃二十七歲下中二齒白二十八歲下中四齒白二十九歲下中盡白三十歲上中央二齒白三十一歲上中央四齒白三十二歲上中盡白頸欲得肥而長頸欲得重頷欲折胸欲出臆欲廣頸項欲厚而強迴毛在頸不利人白馬黑毛不利人肩肉欲寧

寧者却也

雙鳧欲大而

上雙鳧胃兩脊欲得平而廣能負重背欲得平而方

逐肉如鳧

下有迴毛名負尸不利人從後數其脇肋得十者良凡

馬十一者二百里十二者千里過十三者天馬萬乃有

一耳

一云十三肋五百里十五肋千里也

腋下有迴毛名曰挾尸不利人

左脇有白毛直下名曰帶刀不利人腹下欲平有八字

腹下毛欲前向腹欲大而垂結脉欲多大道筋欲大而

直

大道筋從腸下抵股者是

腹下陰前兩邊生逆毛入腸帶者行千

里一尺者五百里三封欲得齊如一

三封者即尻上三骨也

尾骨

欲高而垂尾本欲大尾下欲無尾汗溝欲得深尻欲多
肉莖欲得粗大蹄欲得厚而大跗欲得細而促髌骨欲
得大而長尾本欲大而張膝骨欲圓而長大如杯盂溝
上通尾本者踰殺人馬有雙脚脰亭行六百里迴毛起
跗膝是也脰欲得圓而厚裏肉生焉後脚欲曲而立臂
欲大而短骸欲小而長腕欲促而大其間纔容鞞烏頭
欲高烏頭後足外節後足輔骨欲大輔足骨者後足骸之後骨後左右足白
不利人白馬四足黑不利人黃馬白喙不利人後左右

足白殺婦相馬視其四蹄後兩足白老馬子前兩足白
駒馬子白毛者老馬也四蹄欲厚且大四蹄顛倒若堅
履不可畜

便民圖曰看馬捷法頭欲高峻面欲瘦而少肉眼下無
肉多咬人胸堂欲濶肋骨過十二條者良三山骨欲平
則易肥四蹄欲注實則能負重腹下兩邊生逆毛到膝
者良

相馬毛旋歌括云項上須生旋有之不用誇還緣不利

長所以號騰蛇後有喪門旋前無有挾尸勸君不用畜
無事也須疑牛額并銜禍非常害長多古人如是說此
事不虛歌帶劍渾閑事喪門不可當的盧如八口有福
也須防黑色耳全白從來號孝頭假饒千里足奉勸不
須留背上毛生旋驢騾亦有之只惟鞍貼下此者是駝
尸銜禍口邊銜時間禍必逢古人稱是病馬敢不言凶
眼下毛生旋遙看是淚痕假饒福也病無禍亦防侵毛
病深知害妨人不在占大都知此類無禍也宜嫌檐耳

駝鬃項雖然、毛病殊若然、兼豹尾有實不如無

玄扈先生曰五明為國馬四足白去之三足白可自乘
二足白速去之一足白留之 訣曰一明留二明丟三
明收取四明售五明國馬載王侯

齊民要術曰久步即生筋勞筋勞則發蹄痛凌氣

一日生骨

則發癰腫一日
發蹄生癰也

久立則發骨勞骨勞即發癰腫久汗不

乾則生皮勞皮勞者驟而不振汗未善燥而飼飲之則
生氣勞氣勞者即驟而不起驅馳無節則生血勞血勞

則發強行何以察五勞終日驅馳舍而視之不驟者筋勞也驟而不時起者骨勞也起而不振者皮勞也振而不噴者氣勞也噴而不溺者血勞也筋勞者兩絆却行三十步而已

一曰筋勞者輟起而絆之徐行三十里而已

骨勞者令人牽之

起從後答之起而已皮勞者夾脊摩之熱而已氣勞者緩繫之樞上遠餽草噴而已血勞者高擊無飲食之大溺而已飲食之節食有三芻飲有三時何謂也一曰惡芻二曰中芻三曰善芻

善謂飢時與惡芻飽時與善芻引之令食食常飽則無不肥剉

草粗雖是豆穀亦不肥充細剉無節
蕞而食之者令馬肥不啞自然好矣
何謂三時一日朝

飲少之二日晝飲則胃膈水三日暮極飲之一日夏汗

冬寒皆當

節飲誘曰旦起騎穀日中騎水斯言旦飲須節水也每
飲食令行驟則消水小驟數百步亦佳十日一放令其

陸梁舒展令
馬硬實也

夏即不汗冬即不寒汗而極乾

便民圖曰馬者火畜也其性惡濕利居高燥之地日夜
餵飼仲春羣益順其性也季春必啞恐其逞也盛夏午
間必牽於水浸之恐其傷于暑也季冬稍遮蔽之恐其
傷于寒也啞以猪膽犬膽和料餵之欲其肥也餵料時

須擇新草節筴豆料若熟料用新汲水浸淘放冷方可
餵飼一夜須二三次起餵草料若天熱時不宜加熟料
止可用豌豆大麥之類生餵夏月自早至晚直飲水三
次秋冬只飲一次可也飲宜新水宿水能令馬病冬月
飲畢亦宜緩騎數里卸鞍不宜當簷下風吹則成病

飼父馬令不鬪法

多有父馬者別作一坊多置槽廢剉
芻及穀頭各自別安唯著鞭頭浪放

不繫非直飲食逆性舒適自在至于黃溺自然一處
不須掃除乾地服臥不濕不汙百匹羣行亦不鬪也

飼征馬令硬實法

細剉芻杖擲揚去葉專取剉和穀豆
秣等置槽于迫地雖復雪寒仍令安

厰下一日一走令其肉熟
馬則硬實而耐寒苦也

凡以猪槽飼馬以石灰泥馬槽馬汗繫著門此三事皆

令馬落駒

銜曰常繫獼猴于馬坊令馬不辟惡消百病故也

治馬病疫氣方

取獼屎煮以灌之獼肉及肝更良不能得肉肝只用屎耳

治馬患喉痺欲死方

纏刀子露鋒刃一寸刺咽喉令潰破即愈不治必死也

治馬黑汗方

取燥馬屎置瓦上以人頭亂髮覆之火燒馬屎及髮令烟出着馬鼻下熏之使烟入

馬鼻中須

史即瘥也

又方

取猪脊引脂雄黃亂髮凡三物著馬鼻下燒之使烟入馬鼻中須史即瘥

治馬中熱方

煮大豆及熟飯
噉馬三度愈也

治馬汗凌方

取美豉一升好酒一升夏著日中冬則溫
熱浸豉使液以手搗之絞去滓以斗灌口

汗出則

愈矣

治馬疥方

用雄黃頭髮二物以臘月豬脂煎之髮
消以楷搏疥令赤及熱塗之即愈也

又方

湯洗疥拭令乾煮麵
糊熱塗之即愈也

又方

燒栢脂
塗之良

又方

研芥子塗之差六畜疥悉愈然栢厯芥子並是燥
藥其徧體患疥者直厯落班駁以漸塗之待差更

塗餘處

一日之中頓

塗徧體則無不死

治馬中水方

取鹽着兩鼻中各如雞子黃許大捉鼻令馬眼中淡出乃止良也

治馬中穀方

手捉甲上長髮向上提之令皮離肉如此數過以鉞刀子刺空中皮令突過以手當

刺孔則有如風吹人手則是穀氣耳令人溺上又以鹽塗使人立乘數十步即愈耳

又方

取錫如雞子大打碎和草飼馬甚佳也

又方

取麥藥末三升和穀飼馬亦良

治馬脚生附骨不治者入膝節令馬長跛方

取芥子熟擣如雞子

黃許取巴豆三枚去皮留齊三枚亦擣熟以水和令相著和時用刀子不爾破人手當附骨上拔去毛骨外融蜜蠟周而攤之不爾恐藥燥瘡大著蠟罷以藥敷骨上取生布割兩頭作三道急裹之骨小者一宿便盡大者

不過再宿然須要數看恐骨盡便傷好處看附骨盡取冷水淨洗瘡上刮取車軸頭脂作餅子著瘡上速以淨布急裹之三四日解去即生毛而無癰此法甚良大勝灸者然瘡未瘥不得輒棄若瘡中出血便成大病也此方可

治趺

治馬被刺腳方

用穠麥和小兒哺塗即愈

治馬灸瘡

未瘥不用令汗瘡白痂時慎風得瘥後從意騎耳

治馬瘰蹄方

以刀刺馬跗叢毛中使出血愈

又方

融羊脂塗瘡上以布裹之

又方

取鹹土兩石許以水淋取一石五斗釜中煎取三二斗剪去毛以淋清淨洗乾以鹹汁洗之三度即

愈

又方

以湯洗淨燥拭之嚼芥子塗之以布帛裹三度愈若不斷用穀塗五六度即愈

又方

剪去毛以鹽湯淨洗去加燥拭於破瓦中煮人屎令沸熱塗之即愈

又方

以鋸子割所患蹄頭前正當中斜割之令上狹下濶如鋸齒形去之如剪箭括向深一寸許刀子摘

令血出色心黑出五升許解放即愈

又方

先以酸泔清洗淨然後爛煮猪蹄取汁及熱洗之瘡

又方

取炊釜底湯淨洗以布拭水令盡取黍米一升作稠粥以故布廣三四寸長七八寸以粥糊布上厚

裹蹄上瘡處以散麻纏之三日去之即當瘡也

又方

耕地中拾取禾芟東倒西倒者若東西橫地取南

釜中煮取汁色黑乃止剪却毛泔淨洗去芫以禾芟汁熱塗之一上即愈

又方

尿清羊糞令液取屋四角草就上澆令灰入鉢中研令熟用泔洗蹄以糞塗之再三愈

又方

煮酸棗根取汁淨洗訖水和酒糟毛袋盛漬蹄沒瘡處數度即瘥也

又方

淨洗了搗杏仁和猪脂塗四五上即當愈

治馬大小便不通眠起欲死須急治之不治一日即死

以脂塗人手探穀道中去結屎以鹽納溺道中須臾得溺便當瘥也

治馬卒腹脹眠臥欲死方

用冷水五升鹽二觔研鹽令消以灌口中必愈

藥

治馬發黃方

用黃栢雄黃木鼈子仁等分為末醋調塗瘡上紙貼之初見黃腫處使用針遍即塗

治馬疥癬方

馬疥癬及癢痒用川芎大黃防風全蝎各一兩荆芥穗五兩為末分作五服白湯調

之冷灌

治馬梁脊破方

成瘡不能騎坐如未破將馬脚下濕稀泥塗上乾即再易濕者三五次自消或

只用溝中青臭泥亦可已破成瘡者用黃丹枯白礬生薑燒存性人天靈蓋燒存性各等分為末入麝香少許瘡乾用麻油調若瘡濕有膿用漿水同葱白煎湯洗淨傳之立效

治馬中結方

川山甲炒黃色大黃郁李仁各一兩風化石灰一合如無灰以朴硝代之共為末作

一服用麻油四兩醱醋一升調勻灌之立效如灌藥不通用猪牙皂角為細末同麻油各四兩和勻填糞門中再灌前藥一服即愈

常啖馬藥方

鬱金大黃甘草貝母山梔子白藥黃藥款花黃栢黃連知母桔梗各等分為末每服

二兩以油蜜和灌之若駒則隨其大小量為加減啖後不得飲水至渴喂飼

治馬諸病方

用白鳳仙花連根葉熬成膏抹于馬眼角上汗出即愈

治馬諸瘡方

夜合花葉黃丹乾薑檳榔五倍子為末先以鹽水洗瘡後用麻油加輕粉調敷

治馬傷料方

用生蘿蔔三五個切作片子啖之效

治馬傷水方

用蔥鹽油相和搓作團納鼻中以手掩其鼻令氣不通良久使淚出即愈

治馬錯水方

緣馳驟喘息未定即與水飲須臾兩耳并鼻息皆冷或流冷涕即此證也先燒人亂

髮燻兩鼻後用川烏草烏白芷猪牙皂角胡椒各等分麝香少許為細末用竹筒盛藥一字吹入鼻中立效又法葱一握鹽一兩同杵為泥卷兩鼻內須臾打通清水流出是其效也

治馬患眼方

用青鹽黃連馬牙硝麝仁各等分同研為末用蜜煎入磁瓶內盛貯點時旋取多少

以井水浸化點

治馬頰骨脹方

用羊蹄根草四十九箇燒灰熨骨上冷即換之如無羊蹄根以楊柳枝如指頭

大者炙熱熨之

治馬喉腫方

螺青川芎知母川鬱金牛旁炒薄荷貝母同為末每服二兩蜜二兩用水煎沸候溫

調灌之

又方

取乾馬糞置瓶中以頭髮覆蓋燒烟熏其兩鼻

治馬舌硬方

用款冬花瞿麥山梔子地仙草青黛硃砂朴硝油烟墨等分為細末每用五錢許塗

舌上立瘥

治馬傷脾方

川厚朴去麤皮為末同薑棗煎灌一應脾胃有傷不食水草寒唇似笑鼻中氣短宜

速與此藥治之

治馬心熱方

甘草芒硝黃栢大黃山梔子瓜蒌為末水調灌一應心肺壅熱口鼻流血跳躑煩燥

宜急與此藥治之

治馬肺毒方

天門冬知母貝母紫蘇芒硝黃芩甘草薄荷葉同為末飯湯入少許醋調灌療肺毒

熱極鼻中噴水

治馬肝壅方

朴硝黃連為末男子頭髮燒灰存性漿水調灌一應邪氣衝肝眼昏似睡忽然眩倒

此方主治

治馬卒熱肚脹方

用藍汁二升井花水二升或冷水和灌之立効

治馬流沫方

當歸菖蒲白朮澤瀉赤石脂枳殼厚朴加甘草為末每服一兩半酒一升蔥白三握

水煎溫灌之

治馬氣喘方

玄參葶應升麻牛蒡兜鈴黃芩知母貝母同為末每服二兩漿水調草後灌之一應

喘嗽
皆治

治馬啞喘毛焦方

用大麻子揀淨
一升銀之大效

治馬結糞方

皂角燒灰存性大黃枳殼麻子仁黃連厚
朴為末清米泔調灌若腸突加蔓荊子末

同調

治馬傷蹄方

大黃五靈脂木鼈子去油海桐皮甘草
土黃芩薑子白芥菜子為末黃米粥調

藥攤帛
上裹之

治療馬結熱起臥戰不食水草方

黃連二兩枲末白鮮
皮一兩枲末油五合

猪脂四兩細切右以溫水一升半
和藥調停灌下牽行拋糞即愈

治新生小駒子瀉肚方

藁本末三錢七大麻子研汁調灌下咽喉便效次以黃連末大

麻汁解之

治馬氣藥方

青橘皮當歸桂心大黃芍藥木通郁李仁瞿麥白芷牽牛子右件一十味各等分同

搗羅為末用溫酒調灌每疋馬藥末半兩

治馬急起臥方

取壁上多年石灰細杵羅用油酒調二兩用水灌之立効

治馬食槽內草結方

好白礬末一兩分為二服每貼和飲水後啖之不過三兩度即內消

却此法神驗

治馬腎搐方

烏藥芍藥當歸玄參山茵陳白芷山藥杏仁秦朮每服一兩酒一大升同煎溫灌隔

日再灌

治馬尿血方

黃耆烏藥芍藥山茵陳地黃煑苓枇杷為末漿水煎沸候冷調灌應卒熱尿血皆主

療之

治馬結尿方

滑石朴硝木通車前子為末每服一兩溫水調灌隔時再服結時甚則加山梔子赤

芍藥同末

治馬隔痛方

羌活白藥甜瓜子當歸沒藥芍藥為末春夏漿水加蜜秋冬小便調療腸痛低頭難

不食草

附驢大都類馬驢覆馬生羸則准常以馬覆驢所生驪

者形容壯大彌復勝焉然選七八歲草驢骨口正大者
母長則受駒父大則子壯草驢不產產無不死養草驢
常須防勿令離羣也

治驢漏蹄方

鑿厚磚石令容驢蹄深二寸許熱燒磚令
熱赤削驢蹄令出漏孔以蹄頓著磚孔中

傾鹽酒醋令沸浸之牢捉勿令腳動待
磚冷然後放之即愈入水遠行悉不發

治驢打磨破潰方

馬齒菜石灰一處搗為團晒乾後復
搗羅為末先口含鹽漿水洗淨用藥

未貼
之驗

牛爾雅曰摩牛犛牛犛牛犛牛犛牛犛牛角一俯

一仰觶皆鋤鬐黑脣犉黑皆抽黑耳犉黑腹牧黑脚牯
其子犉體長犉絕有力欣犉

農桑通訣曰牛之為物切于農用善畜養者勿犯寒暑
勿使太勞固之以勞捷順之以涼燠時其飢飽以適其
性情節其作息以養其血氣若然則皮毛潤澤肌體肥
腴力有餘而老不衰其何困若羸瘠之有於春之初必
去牢欄中積滯蓐糞自此以後但旬日一除免穢氣蒸
鬱為患且浸漬蹄甲易以生疾又當以時袞除不祥淨

爽乃善方舊草凋朽新草未生之時宜取潔淨藁草細
剉之和以麥麩穀糠碎豆之屬使之微濕槽盛而飽飼
之春秋草茂放牧飲水然後與草則腹不脹至冬月天
氣積陰風雪嚴凜即宜處之煖燠之地煮糜粥以啖之
又當預收豆楮之葉舂碎而貯積之以米泔利剉草糠
麩以飼之

玄扈先生曰冬
月以棉餅飼之

古人有臥牛衣而待旦則知

牛之寒蓋有衣矣飯牛而牛肥則知牛之餒蓋啖以菽
粟矣衣以襦薦飯以菽粟古人豈重畜如此哉以此為

衣食之本故耳此所謂時其飢飽以適性情者也每遇耕作之月除已牧放夜復飽飼至五更初乘日未出天氣涼而用之則力倍于常半日可勝一日之功日高熱喘便令休息勿竭其力以致困乏此南方晝耕之法也若夫北方陸地平遠牛皆夜耕以避晝熱夜半仍飼以芻豆以助其力至明耕畢則放去此所謂節其作息以養其血氣也且古者分田之制必有萊牧之地稱田為等差故養牧得宜而無疾苦觀宣王考牧之詩可見矣

今夫藁秸不足以充其飲水漿不足以濟其渴凍之曝
之困之瘠之役之勞之又從而鞭箠之則牛之斃者過
半矣飢欲得飲渴欲得食物之情也至于役使困乏氣
喘汗流耕者急于就食或放之山或逐之水牛困得水
動輒移時毛竅空疎因而乏食以致疾病生焉放之高
山筋力疲乏顛蹶而僵仆者徃徃相藉也利其力而傷
其生烏識其為愛養之道哉失之為病不一其用藥與
人相似但大為劑以飲之無不愈者便溺有血傷于熱

也以致便血之藥治之冷結則鼻乾而不喘以發散藥
投之熱結即鼻汗而喘以解利藥投之其或天行疫癘
率多薰蒸相染其氣然也愛之則當離避他所拔除冷
氣而救藥或可偷生傳曰養備動時則天下能使之病
然有病而治猶愈于不治若夫醫治之宜則亦有說周
禮獸醫掌療獸病凡療獸病灌而行之以發其惡則藥
之其來尚矣

齊民要術曰牛岐胡有壽

岐胡牽兩腋亦分為三也

眼去角近行駛

眼欲得大眼中有白脉貫瞳子最快二軌齊者快

二軌從鼻

至髀為前軌
至膝為後軌

頸骨長且大快壁堂欲得濶

壁堂脚間也

欲得如絆馬聚而正也莖欲得小膺庭欲得廣

膺庭胃也

關欲得成

天關脊接骨也

僞骨欲得垂

僞骨脊骨中夾欲得下也

洞胡無壽

洞胡從頭至臆也

旋毛在珠淵無壽

珠淵當眼下也

上池有亂毛起妨

主

上池兩角中一曰戴麻也

倚脚不正有勞病角冷有病毛拳有病

毛欲得短密若長疎不耐寒氣耳多長毛不耐寒熱單

脊無力有生癰即決者有大勞病尿射前脚者快直下

者不快亂睫者觖人後脚曲及直並是好相直尤勝進

不甚直還不甚曲為下行欲得似羊行頭不用多肉臀

欲方尾不用至地至地少力尾上毛少骨多者有力膝

上縛肉欲得硬角欲得細橫豎無在大身欲得促形欲

得如卷

卷者其形側也

插頸欲得高一曰體欲得緊大脇疎肋

難飼龍突目好跳

又云不能行也

鼻如鏡鼻難牽口方易飼蘭

株欲得大

蘭株尾株

豪筋欲得人就

豪筋脚後橫筋

豐岳欲得大

豐岳

膝株骨也

蹄欲得豎

豎如羊角

垂星欲得有努肉

垂星蹄上有肉履蹄謂之努肉

力桂欲得大而成

力桂常車

肋欲得密肋骨欲得大而張

而張

廣也髀骨欲得出僂骨上

出背脊骨上也

易牽則易使難牽則難

使泉根不用多肉及多毛

泉根莖所出也

懸蹄欲得橫

如八字也陰

虹屬頸行千里

陰虹者有雙筋白毛骨屬勁竅公所

陽鹽欲得廣

陽鹽者夾尾珠

前兩臚也

當陽鹽中間脊骨欲得窳

窳則雙脊不窳則為單脊

常有似鳴

者有黃

便民圖曰相母牛法毛白乳紅者多子乳疎而黑者無

子生犢時子卧面相向者吉相背者生子疎一夜下糞

三堆者一年生一子一夜下糞一堆者三年生一子
農桑直說曰餵養牛法農隙時入暖屋用場上諸糠穰
鋪牛脚下謂之牛鋪牛糞其上次日又覆糠穰每日一
覆十日除一次牛一具三隻每日前後餉約飼草三束
豆料八升或用蠶沙乾桑葉水三桶浸之牛下餉噍透
刷飽飯畢辰巳時間上槽一頓可分三和皆水拌第一
和草多料少第二比前草減半少加料第三草比第二
又減半所有料全繳拌食盡即往使耕噍了牛無力夜

餵牛各帶一鈴草盡牛不食則鈴無聲即拌之飽即使耕俗諺云三和一繳須管要飽不要噍了使去最好

水牛飲飼與黃牛同夏須得水池冬須得煖厰牛衣

家政法云四月伐牛骨茭

四月毒草與茭豆不殊齊俗不收所失大也

治牛腹脹欲死方

研麻子取汁溫令微熱擘口灌之五六升許愈此治生豆腹脹垂死者大

良

又方

用燕子尿一合調灌之

治牛肚反及嗽方

取榆白皮水煮極熱令甚滑以五升灌之即瘥也

治牛中熱方

取兔腸肚勿去屎以裹草吞之不過再三即愈

治牛虱方

以胡麻油塗之即愈猪脂亦得凡六畜虱脂塗悉愈

治牛病

用牛膽一个灌牛口中瘡

又方

真安息香于牛欄中燒如燒香法如初覺有一頭至兩頭是疫即牽出以鼻吸之立愈

又方

十二月兔頭燒作灰和水五升灌口中良

治牛鼻脹方

以醋灌口中立差

治牛疥方

煮烏豆汁熱洗五度差一本作烏頭汁

治牛瘡疫方

用真茶末二兩和水五升灌之又治牛卒疫而動頭打脇急用巴豆七箇去殼細研

出油和灌之即愈又燒
蒼朮令牛鼻吸其香止

治牛尿血方

川當歸紅花為細末以酒二升半煎
取二升冷灌之又法豉汁調服鹽灌

治牛患白膜遮眼方

用炒鹽并竹節燒存
性細研一錢貼膜効

治牛氣噎方

以皂角末吹鼻中更以
鞋底拍尾停骨下効

治牛觸人方

牛顛走逢人即膽大也用黃連大黃
各半兩為末雞子清酒一升調灌之

治牛尾焦不食水草方

以大黃黃連白芷各五錢
為末雞子清酒調灌之

治牛氣脹方

淨水洗汗鞞取汁一升
好醋半斤許灌之愈

治牛肩爛方

舊綿絮二兩燒存性麻
油調抹忌水五日愈

治牛漏蹄方

紫礦為末猪脂和納入蹄中燒鐵篋烙之愈

治牛沙疥方

蕎麥隨多寡燒灰淋汁入綠礬一合和塗愈

治水牛患熱方

用白朮二兩半蒼朮四兩二錢紫苑蒿本各三兩三錢牛膝三兩二錢麻黃三

兩去節厚朴三兩一分當歸三兩半共為末每服二兩以酒二升煎放溫草後灌之

治水牛氣脹方

用白芷一兩茴香官桂細辛各一兩一錢桔梗一兩芍藥蒼朮各一兩三錢橘

皮九錢五分共為末每服一兩加生薑一兩鹽水一升同煎候溫灌之

治水牛水瀉方

青皮陳皮各二兩一錢白礬一兩九錢蒼朮橡斗子乾薑各三兩二錢枳殼一

兩九錢芍藥細辛各二兩五錢茴香二兩三錢共為末每服一兩生薑一兩鹽三錢水二升煎灌之

羊爾雅曰羊牡羴牝羴夏羊牡羴牝羴角不齊腕角三
羴羴羴羊黃腹未成羊羴絕有力奮

便民圖曰羊者火畜也其性惡濕利居高燥作棚宜高
常除糞穢若食秋露水草則生瘡

齊民要術曰常留臘月正月生羔為種者上十一月二

月生者次之

非此月數生者毛必焦卷骨髓細小所以
然者是逢寒遇熱故也其八九月生者

雖值秋熱比至冬暮母乳已竭春草未吐是故不佳其
三四月生者雖茂美而羔小未食常飲熱乳所以亦惡
六七月生者兩熟相仍中之甚其十一月及二月生者
母既含重膚軀充儲草雖枯亦不羸瘦母乳適盡即得

春草是以亦佳也

大率十口一羝

羝少則不孕羝多則亂羣不

經冬或死羝無角者更佳

有角者喜相觸觸傷胎所由也

供廚者宜刺

刺一作刺

之刺法十餘十日用布裹齒捶碎也

羊必須老人及心性宛順者起居

以時調其宜適卜式云牧民何異於是者

若使急性人及小兒者欄

約不得必有打傷之災或勞戲不看則有狼犬之害唯

遠水為良二日一飲

頻飲則傷水而鼻膿

緩驅行勿停息

息則不食而羊

瘦急行則坐塵而羊頷也

春夏早放秋冬晚出

春夏氣軟所以宜早秋冬霜露所以宜晚

養羊經云春夏早起與雞俱興秋冬晏起必待日光此其義也夏月盛暑須得陰涼若日中不避熱則塵汗相

新秋冬之間必致癘疾七月以後霜氣降後必須日出霜露晞解然後放之不爾則逢毒氣令羊口瘡腹脹也

圈不厭近必須與人居相連開窗向圈

所以然者羊性怯弱不能禦物

狼一入圈或能絕羣也

架北牆為厰

為屋即復熱熱則亦癘且屋處慣暖冬月入田尤不耐寒

圈中作臺開竇無令停水二日一除勿使糞穢

穢則汚毛停水

則狹蹄眠濕則腹脹也

圈内須並牆豎柴柵令周匝

羊不楷上毛常自淨不豎

柴者羊楷牆壁上鹹相得毛皆成羶又豎柵頭出牆者虎狼不敢踰也

羊一千口者三四

月中種大豆一頃雜穀并草留之不須鋤治八九月終

刈作青芟若不種豆穀者初草實成時收刈雜草薄鋪

使乾勿令鬱浥

豈豆蒾或蓬萊荊棘為上大小豆蒾次之高麗豆蒾尤有所便蘆菰二種則不

種凡秋刈草非直為羊然大凡悉皆倍勝崔寔曰十月七日刈蒻茭

既至冬寒多饒風霜

或春初雨落青草未生時則須飼不宜出放積茭之法

于高燥之處豎桑棘木作兩圓柵各五六步許積茭著柵中高一丈亦無嫌任羊逸柵食竟日通夜口常不住終冬過春無不肥充若不作柵假有千車茭擲與不十口羊亦不得飽羣羊踐踞而已不得一莖入口

收茭者初冬乘秋似如有膚羊羔乳食其母比至正月母皆瘦死羔小未能獨食水草尋亦俱死非直不滋息

或滅羣斷種矣

余昔有羊二百口茭豆既少無以飼一歲之中餓死過半假有在者疥瘦羸斃

與死不殊毛復淺短全無潤澤余初謂家自不宜又疑
歲道疲病乃飢餓所致無他故也人家八月收穫之始
多無庸假且買羊雇人所費既少所存者大傳曰三折
臂始為良醫又曰亡羊治牢未為晚也世事畧皆如此
安可不存意哉寒月生者須然火於其邊夜不然火必凍死也凡初產者

宜煮穀豆飼之白羊留母二三日即母子俱放

白羊性狼不得

獨留并母久住則令乳之

殺羊但留母一日寒月者內羔子坑中日

父母還乃出之

坑中暖不苦風寒地熱便眠如常飽者也

十五日後方喫草

乃放之 白羊三月得草力毛牀動則鉸之

鉸訖于河水之中淨

洗羊則生白淨之毛也

五月毛牀將落鉸取之

鉸訖更洗如前

八月初胡

莖子未成時又鉸之

鉸了亦洗如初其八月半後鉸者勿洗白露已降寒氣侵人洗即不

益胡莖子成然後鉸者匪直著毛難治又歲稍晚比至寒時毛長不足令羊瘦損漢北塞之羊則八月不鉸鉸

則不耐寒中國必須鉸不鉸

則毛長相著作羶難成也

便民圖曰棧羊法向九月初買腓羯羊多則成百少則

不過數十控初來時與細切乾草少着糟水拌經五七

日後漸次加磨破黑豆稠糟水拌之每羊少飼不可多

與與多則不食可惜草料又兼不得肥勿與水與水則

還腓溺多可一日六七次上草不可太飽則有傷少則

不飽不飽則逞腴欄圈常要潔淨一年之中勿餵青草
餵之則減腴破腹不肯食枯草矣

冢政法云養羊法當以瓦器盛一升鹽置於柵中羊喜
鹽自數還啖之不勞人收 羊有病輒相汚欲令別病
法當欄前作瀆深二尺廣四尺往還皆跳過者無病不
能過者入瀆中行過便別之 術曰懸羊蹄著戶上辟
盜賊

龍魚河圖曰羊有一角食之殺人

玄扈先生曰牧養須已出未入不使沾星露之草則無耗羊一羣擇其肱而大者而立之主一出入使之倡先或圈于魚塘之岸草糞則每早掃于塘中以飼草魚而羊之糞又可飼鯉魚一舉三得矣露草上有綠色小蜘蛛羊食之即死故不宜早放

作壇法

春毛秋毛中半和用秋毛緊強春毛軟弱獨用太偏是以須雜三月桃花水壇第一凡作壇不

須厚大惟緊薄均調乃佳耳二年數卧小覺垢以九月十月賣作穽壇明年四五月出壇時更買新者此為長存不穿敗若不數換非直垢汙寧冗之後便無所直虛成糜費此不朽之功豈可同年而語也

令羶不生蟲法

夏月敷席不卧上則不生蟲若羶多無人卧上者預收椎柴燥灰入五月中羅

灰徧著羶上厚五寸許卷束于風涼之處閣置蟲亦不生如其不爾無不生蟲

羶羊四月末五月初絞之

性不耐寒早絞寒則凍死雙生者多易為緊息性既豐乳

有酥酪之饒毛堪酒袋魚繩索之利其潤益又過于白羊也

作酪法

牛羊乳皆得別作和作隨人意牛產日即粉穀如糕屑多著水煮作則薄粥待冷飲牛若不飲

者莫與水明日渴自飲牛產三日以繩絞牛項頸令徧身脉脹倒地即縛以手痛按乳核令破以脚二七徧蹴乳房然後解故羊產三日直以手按痛令破不破脚蹴若不如此破核者乳脉細微攝身則閉核破脉開將乳易得曾經破核後產者不須復治牛產五日外羊十日外羔犢得乳力强健能嗽水草然後取乳之時須人料

酌三分之中當留一分以與羔犢若取乳太早及不留一分乳者羔犢瘦死三月末四月初牛羊飽草便可取酪以取其利至八月末止從九月一日後止可小小供食不得多作天氣枯寒牛羊漸瘦故也大作酪時日暮牛羊還即間羊犢別著一處凌旦早放母子別羣至日東南角噉露草飽驅歸持之訖還放之聽羔犢隨母日暮還別如此得乳多牛羊不瘦若不先放先持者比覺日高則露解常食燥草無復膏潤非直漸瘦得乳亦少持訖於鐺釜中緩火煎之火急則著底焦常以正月二月預收乾牛羊失煎乳第一好草既灰汁柴又喜焦乾糞火輒無此三患常以杓楊乳勿令溢出時復徹底縱橫直勾慎勿圓攪喜斷亦勿口吹則解四五沸便止渴著盆中勿便揚之待小冷遂取乳皮著別器中以為酥屈木為椀以張生絹袋子濾熟乳著瓦瓶中卧之卧之新瓶即直用之不燒若舊瓶已曾卧酪時輒須灰火中燒瓶令津出迴轉燒之皆使周匝熱徹好乾待冷乃用

不燒者有潤氣則酪斷不成若日日燒瓶酪猶有斷者
作酪屋中有蛇蝦蟇故也宜燒人髮羊牛角以辟之聞
臭氣則去矣其卧酪待冷暖之節溫溫小煖于人體為
合宜適熱卧則酪醋傷冷則難成濾乳訖以先成甜酪
為酵大率熟乳一升用酪半匙著杓中以匙痛攪令散
瀉著熟乳中仍以杓攪使均調以檀絮之屬茹瓶令煖
良久以單布蓋之明旦酪成若去城中遠無熟酪作酵
者急榆醋食研熟以為酵大率一斗乳下一匙酵攪令
均調亦得成其酢酪為酵者酪亦醋甜酵傷多酪亦醋
其六七月中作者卧時令如人溫直置冷地上必須溫
茹冬天作者卧時少令熱
於人體降餘月茹令極熱

作乾酪法

七月八月月中作之日中炙酪酪上皮成掠取
更炙之又掠肥盡無皮乃止得一升許于鐺

中炒少許時即出於盤上曝浥浥時作圓大如梨許又
曝使乾得經數年不壞以供遠行作粥作漿時細削著

水中煮沸便有酪味亦有全攤一團著湯中嘗有酪味還澆取曝乾一徧則得五徧煮不破看勢兩漸薄乃削

研用者倍矣

作漉酪法

八月中作取好淳酪生布袋盛懸之當有水出滴滴水不盡著鐺中暫炒即出於盤上日

曝泥泥時作團大如梨許亦數年不壞削粥漿味勝前者炒雖味短不及生酪然不炒生蟲不得過夏乾漉二酪久停皆喝氣不如年別作歲管用盡

作馬酪醇法

用驢乳汁二三升和馬乳不限多少澄酪成取下澱團曝乾後歲作酪用此為醇也

抨酥法

以夾榆木碗為杷法割去碗半上刻四廂各作一團孔大小徑寸許正底施長柄如酒杷刑抨

酥酥酪甜皆得所數目陳酪極大酪著亦無嫌酪多用大甕酪少用小甕置甕於日中旦起瀉酪著甕中炙直

至日西南角起手拌之令把子常至甕底一食頃作熱湯水解令得下手寫著甕中湯多少令常半酪及拌之良久酥出下冷水多少亦于湯等更急拌之于此時把子不須復達甕底酥已浮出故也酥既偏覆酪上更下冷水多少如前酥凝押上大盆盛冷水著甕邊以手接酥沈手盆水中酥自浮出更掠如初酥盡乃止酥酪漿中和飡粥盆中浮酥待冷急凝以手接取搗去水作圓著銅器中或不津瓦器亦得十日許得多少併納鐺中然羊矢緩火煎如香澤法當日內乳涌出如雨打水水中乳既盡聲之沸定酥便成矣冬即內著羊肚中夏盛不津器初煎乳時上有皮膜以手隨即掠取著器中寫熟乳著盆中未濾之前乳皮凝厚亦悉掠取明者酪成若有黃皮亦悉掠取併著甕中有物痛熟研良久下湯又研隨亦下冷水純是好酪接取作團與大段同煎矣

羊有疥者間別之不別相染汚或能合羣致死羊疥先

著口者難治多死

治羊疥方

取藜蘆根咬咀令破以淋浸之以瓶盛塞口於竈邊常令煖數日醋香便中用以磚瓦刮

疥令赤若強硬痂厚者亦可以湯洗之去痂拭燥以藥汁塗之再上愈若多者日別漸漸塗之勿頓塗令徧羊皮不堪藥勢便死矣

又方

去痂如前洗燒葵根為灰煮醋澱熱塗之以灰厚傳再上愈寒時勿煎毛去即凍死矣

又方

臘月猪脂加熏黃塗之即愈

羊膿鼻眼不淨者皆以中水治方

以湯和鹽用杓研之極鹹塗之為佳更待

冷接取清以小角受一雞子者溝兩鼻各一角非直水瘡永息天虫五日後必飲以眼鼻淨為候不瘡更溝一

如前
法

羊膿鼻口頰生瘡如乾癬者名曰可妬運迭相染易著

者多死或能絕羣治之方

豎長竿于園中竿頭施橫板令獼猴上居數日自然差此

獸辟惡常安于園中亦好

治羊挾蹄方

取雞脂和鹽煎使熟燒熱令微赤著脂烙之著乾勿令水汎入七日自然瘥耳

凡羊經疥得差者至夏後初肥時宜賣易之不爾後年

春疥發必死矣

治羊火蹄方

以穀羊脂煎熟去滓取鐵篋子燒熟將脂勻塗篋上烙之勿令入水次日即愈

豬爾雅曰豕子猪猶猪么幼奏者羴豕三縱二師一特

所寢槽四稿皆白核其跡刻絕有力死牝豕

注云羴也其子曰豚

一歲曰縱廣志曰稀祖羴豕豕也穀父穢也

齊民要術曰母猪取短喙無柔毛者良

喙長則牙多三牙以上則不煩

畜為難肥故有柔毛治難淨也

牝者子母不同圈

子母一圈意聚不食則不充肥

牡者

同圈則無嫌圈不厭小

圈外肥疾

處不厭穢

泥穢得避暑

亦須小

厰以避雨雪春夏中生隨時放牧糟糠之屬當日別與

八九十月放而不飼所有糟糠則畜待冬春

初猪性甚便水生

之草把數水藻等
近岸猪食之皆肥
初產者宜煮穀飼之其子三日搯尾

六十日後捷

三日則不畏風凡死者皆尾風所致耳捷不截尾則前大後小捷者骨細肉多不捷

者骨粗肉少如捷牛法者無風死之患

十二月子生者豚一宿蒸之

蒸法索籠

盛腦凍不合出旬便死

所以然者豚性腦少寒盛則不能自煖故須煖氣攻之

供

食豚乳下者佳簡取別飼之愁其不肥共母圈粟豆難

足宜埋車輪為食場散粟豆於內小豚足食出入自由

則肥速

農桑通訣曰江南水地多湖泊取近水諸物可以飼猪

凡占山皆用橡食藥苗謂之山猪其肉為上江北陸地
可種當約量多寡計畝數種之易活耐旱割之比終一
畝其初已茂用之漸切以泔糟等水浸於大檻中令酸
黃或拌麩糠雜飼之特為省力易得肥腴前後分別歲
歲可鬻足供家費

四時類要曰閹猪了待瘡口乾平復後取巴豆兩粒去
殼爛搗和麻粃糟糠之類飼之半日後當大瀉其後日
見肥大

玄扈先生曰猪多總設一大圈細分為小圈每小圈止容一猪使不得闌轉則易長也肥猪法用管仲三觔蒼朮四兩黃荳一斗芝麻一升各炒熟共為末餌之十二日則肥

肥猪法

麻子二升搗十餘杵鹽一升同煮和糠三升飼之立肥

治猪病方

割去尾尖出血即愈若瘟疫用蘿蔔或及梓樹華與食之不食難救

狗爾雅曰犬生三摎二師一獠未成毫狗長喙獫短喙獨獠絕有力挑尤狗也

便民圖曰凡人家勿養高脚狗彼多喜上卓橈竈上養矮脚者便益純白者能為怪勿畜之凡黑犬四足白者凶後二足白頭黃者吉足黃招財尾白者大吉一足白者益家白犬黃頭吉背白者害人帶虎斑者吉黃犬前二足白者吉胸白者吉口黑者招官事四足俱白者凶青犬黃耳者吉犬生三子俱黃四子俱白八子俱黃五子六子俱青吉

治狗病方

用水調平胃散灌之
加赤穀巴豆尤妙

治狗卒死方

用葵根塞
鼻內即活

治狗癩方

狗遍身膿癩用百部濃煎汁塗之
狗蠅多者以香油遍身擦之立去

貓爾雅曰貓如麕善登木

郭璞注曰
健上樹

便民圖曰貓兒身短最為良眼用金銀尾用長面似虎

威聲要噉老鼠聞之自避藏露爪能翻瓦腰長會走家

面長雞絕種尾大懶如蛇又法口中三坎者捉一季五

坎者捉二季七坎捉三季九坎者捉四季花朝口咬頭

牲耳薄不畏寒毛色純白純黑純黃者不須揀若看花

猫身上有花又要四足及尾花纏得過者方好

治猫病方

凡猫病用烏藥磨水灌之若煨火疲悴用硫黃少許入猪湯中炮熟餵之或入魚湯中餵

之亦可小猫悞被人踏死用

蘇木濃煎湯濾去粗灌之

鵞爾雅曰舒雁鵞

廣雅曰駕鵞野鵞也說文曰鵞鵞野鵞也晉沈充鵞賦序曰於時綠眼黃

喙家家有焉大康中太倉有鵞從喙至足四尺有九寸體色豐麗鳴驚人

鴨爾雅曰舒鳬鵞

說文曰鵞舒鳬廣雅曰鵞雅也野雅雄者亦頭有短鵞生百卵或一日再

生有露鵞以秋冬生頓並世蜀口

齊民要術曰鵞鴨並一歲再伏者為種

一伏者待時少三伏者冬寒雛

亦多死也 大率鵲三鳴一雄鴨五雌一雄鵝初輩生子十餘

鴨生數十後輩皆漸少矣 常足五穀飼之生子多不足者生子少 欲放厥

屋之下作窠 以防猪犬狐狸驚恐之害 多著細草于窠中令煖先刻

白木為卵形窠別著一枚以誑之 不爾不肯入窠喜西浪生若獨著窠後有

爭窠之患 生時尋即收取別作一煖處以柔細草覆之 停置窠中

凍即須死 伏時大鵲一十子大鴨二十子小者減之 多則數

起者不任為種 數起則凍死也 其貪伏不起者須五六日一與

食起之令洗浴 久不起者飢羸身冷雖伏無熱 鵲鴨皆一月雛出量雛

欲出之時四五日內不用聞打鼓紡車犬叫猪犬及春

聲又不用器淋灰不用親見產婦

觸忌者雛多厭殺不能自出假令出亦尋

也雛既出別作籠籠之先以粳米為粥糜一頓飽食之

名曰填嗉

不爾喜軒壺羌則量而死

然後以粟飯切苦菜蕪菁英為

食以清水與之濁則易

不易歷塞鼻則死

入水中不用停久尋

宜驅出

此既水禽不得水則死臍未合久在水中冷徹亦死

於籠中高處敷細草

令寢處溫暖

雛小臍未合不欲冷也

十五日後乃出

早放者匪直乏力政恐有

寒冷無鳥鵲災也

鵲唯食五穀稗子草菜不食生虫

葛洪方曰居躬工之

地常養鵝見此物食之故驚羣此物也

鴨靡不食矣水稗成實時尤其是所

便噉此足得肥充供廚者子鵝百日以外子鴨六七十日佳過此肉硬大率鵝鴨六年以上老不復生伏矣宜去之少者初生伏又未能工惟數年之中佳耳風土記曰鴨春季雛到夏五月則任啖故俗五六月則烹食之

便民圖曰凡相鵝鴨母其頭欲小口上齧有小珠滿五者生卵多滿三者為次

棧鷺易肥法

稻子或小米大麥不計煮熟先用磚蓋成小屋放鷺在內勿令轉側門中木棒簽定

只令出頭喫食日餵三四次夜多與食勿令住口搗去尾際毳毛如此三日加肥一觔

養雌鴨法

每年五月五日不得放棲只乾餵不得與水則日日生卵不然或生或不生土硫黃飼之

肥易

作杭子法純取雌鴨無令雜雄足其粟豆常令肥飽一

鴨便生百卵

俗所謂谷生者此卵既非陰陽合生雖伏亦不成雛宜以供贍

杭木皮

爾雅

曰杭魚毒郭璞注曰杭大本子似粟生南方皮厚汁赤中藏卵黑無杭皮者虎杖根牛並作用爾雅曰荼虎杖郭璞注云似紅草粗淨洗細莖剉煮取汁率二斗及熟大有細刺可以染赤

下鹽一升許和之汁極冷內甕中

汁熟卵則致敗不堪久停

浸鴨子

一月任食煮而食之酒食俱用鹹徹則卵浮

吳中多作者至十數

斛久停彌善亦得經夏也

鷄爾雅曰雞大者蜀蜀子雞未成雞健絕有力奮雞三

尺為鷄

郭璞注曰陽溝巨鷄古之雞名廣志曰雞有胡髮五指金散反翅之種大者蜀小者荆自雞金

散者鳴美吳中送長鳴雞雞鳴長倍于常雞異物志曰九真長鳴雞最長聲甚好清朗鳴未必在曙時潮水夜至因之並鳴或名曰伺潮雞風俗通云俗說朱氏公化而為雞故呼雞者皆言朱朱

齊民要術曰雞種取桑落時生者良

形小淺毛腳細短是也守窠少聲則

無雞子春夏生者則不佳

形大毛羽悅澤脚粗長者是遊蕩饒聲產乳易厭既不守巢則

無綠蕃息也

雞春夏雛二十日內無令出窠飼以燥飯

出窠早不

免鳥鴟與濕飯則令臍膿也

雞棲宜掘地為籠內著棧雖鳴聲不朗

而安穩易肥又免狐狸之患若任之樹林一遇風寒大

者損瘦小者或死燃柳柴雞雛小者死大者育

此亦燒穰殺氣

之流其理難悉

家政法曰養雞法二月先耕一畝作田秣粥灑之刈生

芽覆上自生白虫便買黃雌雞十隻雄一隻于地上作

屋方廣丈五于屋下懸簣令雞宿上并作雞籠懸中夏

月盛晝雞

闕

園中築作小屋覆雞得養子

鳥不得就 龍魚河圖曰畜雞白頭食之病人雞有六
指者亦殺人雞有五色者亦殺人

養生論曰雞肉不可食小兒食令生疣虫又令消體瘦
鼠肉味甘無毒令小兒消殺除寒熱炙食之良也

玄扈先生曰或設一大園四圍築垣中築垣分為兩所
凡兩園墻下東西南北各置四大雞棲以為休息每一

旬撥粥于園之左地覆以草二日盡化為蟲園右亦然
俟左盡即驅之右如此代易則雞自肥而生卵不絕若
遇瘟疫傳染即須以藍盛雞又口懸挂或移于樓閣上
即免矣

養雞令速肥不杷屋不暴園不畏鳥鴟狐狸法

別築牆
匡開小

門作小廠令雞閉兩目雌雄皆斬去六翮無令得飛出
園多收桃稗胡之類以養之亦作小槽以貯水荆藩為
樓去地一尺數掃去屎鑿牆為窠亦去地一尺惟冬天
著草不如則子凍春夏秋三時則不須直置匡上任其
產伏留草則昆虫生雞出則著外許以罩籠之鷄鶉大
還內牆匡中其供食者又別作牆匡蒸小麥飼之三七

日便肥
大矣

又穀產雞子供常食法

別取雌雞勿令與雄相雜其墻

穀令竟冬肥盛自然穀產矣一雞生百餘
卵不離並食之無咎餅炙所須皆宜用此

淪雞子法

打破著沸湯中浮出即掠
取生熟正得即如鹽醋也

炒雞子法

打破銅鑊中攪令黃白相雜細擘葱
白下鹽米渾豉麻油炒之甚香矣

棧雞易肥法

以油和麵捻成指尖大塊日與十數枚食
之又以做成硬飯同土硫黃研細每次與

五分許同飯拌
勻餵數日即肥

養雞不花法

母雞下卵時日逐食內夾以
麻子餵之則常生卵不花

養生雞法

雞初來時即以淨溫水洗其腳自然不走

治雞病方

凡雞雜病以真麻油灌之皆立愈若中蜈蚣毒則研茱萸解之

治鬪雞病方

以雄黃末搜飯飼之可去其胃蟲此藥性熱又可使其力健

魚越陶朱公曰治生之法有五水畜第一水畜魚也以

六畝地為池池中有九州求懷子鯉魚長三尺者二十

頭牡鯉魚長三尺者四頭以二月上庚日內池中令水

無聲魚必生至四月內一神守六月內二神守八月內

三神守神守者鰲也內鰲則魚不復飛去在池中周遶

九州無窮自謂游江湖也至來年二月得魚長一尺者一萬五千三尺者五千枚二尺者萬枚直五千得錢一百二十五萬至明年一尺者十萬枚二尺者五萬枚三尺者五萬枚長四尺者四萬枚留長二尺者三千枚作種所餘皆賣得錢五百一十萬候至明年不可勝計所以養鯉魚者不相食易長不費也

農桑通訣曰凡育魚之所須擇泥土肥沃蘋藻繁盛為上然必召居人築舍守之仍多方設法以防獺害凡所

居近數畝之湖如依陶朱法畜之可致富今人但上江販魚取種塘內畜之飼以青蔬歲可及尺以供食用亦為便法

農圃四書魚種古法俱求懷子鯉魚納之池中但自涵育或在取近江湖藪澤陂泖水際之土數舟布底則二年之內土中自有大魚宿子得水即生也今之俗惟購魚秧其秧也漁人汎大江乘潮而布網取之者初也如針鋒然乃飼之以雞鴨之卵黃或大麥之麩屑或炒大

豆之末稍大則鬻魚池養之家閩錄云仲春取子于江
曰魚苗畜于小池稍長入葦塘曰葦鱸可尺許徙之廣
池飼以草九月乃取有難長之秧曰艍艘其首黃色曰
螺師青以其食螺師也故名爾雅翼曰鱖魚螺蚌是也
其口尖期年而鼻竅始通不得通則死長至尺許乃易
大惟鱣魚為良其口濶而盆首似鯉而身圓謂之草魚
食草而易長爾雅翼曰鮠魚食草白鯁乃魚之貴者白
露左右始可納之池中或前一月或後一月皆不育漁

人攜于舟若煎炙油氣觸之則目皆瞎京口錄云巨首
細鱗池塘中多畜之鰻魚松之人於潮泥地鑿仲春潮
水中捕盈寸者養之秋而盈尺腹背皆腴為池魚之最
是食泥與百藥無忌京口錄云頭匾而骨軟閩志云目
赤而身圓口小而鱗黑吳王論魚以鰻為上也其魚至
冬能牽被而自藏

養法凡鑿池養魚必以二有三善焉可以蓄水鬻時可
去大而存小可以解汎

此池汎可入彼池

不可以溫麻一日即

汎魚遭鴿糞則汎以圃糞解之魚之自糞多而返復食之則汎亦以圃糞解之池不宜太深深則水寒而難長魚食雞鴨卵之黃則中寒而不予故魚秧皆不予魚之行遊晝夜不息有洲島環轉則易長池之傍樹以芭蕉則露滴而可以解汎樹棟木則落子池中可以飽魚樹葡萄架子于上可以免鳥糞種芙蓉岸周可以辟水獺魚食楊花則病亦以糞解之食蟋蟀嫩草食稗子池之正北後宜塘深魚必聚焉則三面有日而易長飼之草

亦宜此方一日而兩番須有定時魚小時草必細飼至冬則不食凡魚嘯子必沿水痕雖乾涸十年遇水即生其長甚易其嘯子也以五月鯉魚以五月下惟銀魚鱸殘魚嘯子于冰水解三日乃生也飼魚之草不可撩水草恐有黑魚鮎魚等子在草上是能食魚黑魚者鱧魚也夜則仰首而戴斗鮎魚者鰈魚也即鯉魚也大首方口背青黑而無鱗是多涎池中不可着碱水石灰能令魚汎凡池之藪相傳一夜生七子太密則魚皆鬱死必

去其半乃佳

便民圖曰凡魚遭毒翻白急疏去毒水別引新水入池多取芭蕉葉搗碎置新水來處使吸之則解或以溺澆池面亦佳

玄扈先生曰江西養魚法掘小池方一丈深八尺底又作小池方五尺深二尺用杵築實蓄水至清明前後出時買鯁魚鯉魚苗長一寸上下者每池鯁六百鯉二百每日以水荇帶草喂之無草時可用鹹蛋殼食之常時

積下至時用之冬月尤宜用之令魚并泥食之不散游至五月五日後五更時用夏布袱于塘近邊釘四椿張布袱其上次以夏布兜撈魚苗傾袱內選去雜魚另置一水盆中其鯉鰻入水桶旋送入中池中池方二三丈每池可放七八百池中先栽荇草栽法于二三月邊舊魚入大塘去水晒半乾栽荇草于內栽完放水長草以養新魚其中池移過大塘之鰻魚每百日用草二擔則中池過塘時魚重一觔者至十月可得三四觔大塘者

大小為魚多寡水宜深五尺以上每食魚只于大塘內
取之中塘荇草盡再入之或用正本草若大池面方二
三十步以上者可放三四斤以上魚即與老草連根食
之刮苧麻取下葉以席蓋之勿曬乾至晚入池中當夜
食盡又冬月大魚無食有一法常時積舊草薦置僻處
使人溺其上久之至冬月剉細以稻泥或黃土和草成
碗大團子曬乾置池中心深處大魚則并泥食之中池
中魚剉草宜更細入水二三日和土成團冬月乾塘取

起魚寄別池內或入大桶速乾水起生泥壅池生泥只
取爛泥勿取乾者池瘦傷魚令生虱取過泥速栽荇草
放水入魚魚虱如小豆大似團魚凡山中暴雨入池帶
惡蟲穢氣亦令魚生虱則極瘦凡取魚見魚瘦宜細檢
視之有則以松毛遍池中浮之則除凡小池定在大池
之旁以便冬月寄魚小池過小魚于中中池即栽荇

又曰作羊棧于塘岸上安羊每早掃其糞于塘中以飼
草魚而草魚之糞又可以飼連魚如是可損人打草

但魚畧有微滯耳水畜之利須擇背山面湖中聚水曲之處起造住宅先置田地山塲凡僕從即便播谷種蔬樹植蠶繅以為衣食之源然後擴築方圍大塘以收水利塘內有九州八谷如同江湖納蝦蟹螺蜆為神守使魚相忘相若自以為江湖之中日夜遊戲而不息矣

蜜蜂王楨曰人家多於山野古窠中收取蜜蜂蓋小房或編荆國兩頭泥封開一二小竅使通出入另開一小門泥封時時開却掃除常淨不令他物所侵及于家院

掃除蛛網及關防山蜂土蜂不使相傷秋花彫盡留冬
月可食蜜脾餘者割取作蜜蠟至春三月掃除如前常
于蜂窠前置水一器不致渴損 月蜂盛一窠止留一
王其餘摘之其有蜂王分窠羣蜂飛去用碎土撒而收
之別置一窠其蜂即止春夏合蜜及蠟每窠可得大絹
一疋有收養生分息數百窠者不必他求而可致富也
經世民事曰十月割蜜天氣漸寒百花已盡宜開蜂窠
後門用艾燒烟微薰其蜂自然飛向前去若怕蜂蟄用

薄荷葉嚼細塗在手面其蜂自然不蟄或用紗帛蒙頭
及身上截或皮套五指尤妙約量冬至春其蜂食之餘
者揀大蜜脾用利刀割下却封其窠將蜜絞淨不見火
者為白沙蜜見火者為紫蜜入窠盛頓將絞下蜜粗入
鍋內慢火煎熬候融化掏出絞粗再熬預先安排錫鏟
或瓦盆各盛冷水次傾蠟水在內凝定自成黃蠟以粗
內蠟盡為度要知其年收蜜多寡則看當年雨水何如
若雨水調勻花木茂盛其蜜必多若雨水少花木稀其

蜜必少或蜜不敷蜜蜂食用宜以草雞或一隻或二隻
遛毛不用肚腸懸掛窠內其蜂自然食之又力倍常至
春來二月門開其封止存雞骨而已

玄扈先生曰冬月割蜜過多則蜂飢飢時可將嫩雞白
煮置房側令食之

農政全書卷四十一

欽定四庫全書

子部

農政全書卷四十二

詳校官中書臣實汝翼

編修臣倉聖脈覆勘

總校官進士臣朱 鈐

校對官中書臣高 中

謄錄監生臣施 華

欽定四庫全書

農政全書卷四十二

明 徐光啓 撰

製造

食物

齊民要術曰凡甕七月坯為上八月為次餘月為下凡甕無問大小皆須塗治甕津則造百物皆惡悉不成所以時宜留意新出甕及熟脂塗者大良若市買者先宜

塗治勿使盛水

未塗遇雨亦惡

塗法掘地為小員坑

傍開兩道以引風火

生炭火於坑中含甕口於坑上而熏之

火盛喜破微則難熱務令調適

乃數以手摸之熱灼人手便下瀉熱脂於甕中迴轉濁

流極令周匝脂不復滲乃止

牛羊脂為第一好猪脂亦得俗人用麻子脂者誤人

耳若脂不濁流直一偏拭之亦不免津俗人釜上蒸甕者水氣亦不佳玄扈先生曰黃蠟甚佳價貴用松脂亦

可以熱湯數斗著甕中滌盪疏洗之瀉却滿盛冷水數

日便中用

用時更洗淨日曝令乾

治釜令不渝法常於暗信處買取最初鑄者鐵精不渝

輕利易然其淪黑難然者皆是鐵滓鈍濁所致

玄扈先生曰清

之又清之可作佳器也

治令不渝法以繩急束蒿軒兩頭令齊著

水釜中以乾牛屎然釜湯煖以蒿三遍淨洗抒却水乾然使熟買肥豬肉脂合皮大如手者三四段以脂處處徧揩拭釜察作聲復著水痛疎洗靚汁黑如墨抒却更脂拭疎洗如是十徧許汁清無復黑乃止則不復淪煮杏酪煮錫煮地黃染皆須先治釜不爾則黑惡

造神麴凡作三斛麥麴法蒸炒生各一斛炒麥黃莫令

焦生麥擇治甚令精好種各別磨磨欲細磨乾合和之
七月取甲寅日使童子著青衣日未出時面向殺地汲
水二十斛勿令人潑人長水亦可瀉却莫令人用其和
麴之時面向殺地和之令使絕強團麴之人皆是童子
小兒亦面向殺地有行穢者不使不得令入室近團麴
當日使訖不得隔宿屋用草屋勿使用瓦屋地須淨掃
不得穢惡勿令濕畫地為阡陌周成四巷作麴人各置
巷中假置麴王王者五人麴餅隨阡陌比肩相布訖使

主人家一人為主莫令奴客為主與王酒脯之法濕麴
王手中為椀中盛酒脯湯餅主人三徧讀文各再拜其
房欲得板戶密泥塗之勿令風入至七日開常處翻之
還令泥戶至二七日聚麴還令塗戶莫使風入至三七
日出之盛著甕中塗頭至四七日穿孔繩貫日曝欲得
使乾然後內之其餅麴手團二寸半厚九分

祝麴文曰某年月某日辰朔日敬啓五方五土之神主
人某甲謹以七月上辰造作麥麴數千百餅阡陌縱橫

以辨疆界須建立五王各布封境酒脯之薦以相祈請
願垂神力靳鑒所願使出類絕蹤穴虫潜影衣色錦布
或蔚或炳殺熱火熾以烈以猛芳越椒熏味超和鼎飲
利君子既醉既逞惠彼小人亦恭亦靜敬告再三格言
斯整神之聽之福應自冥人願無為希從畢永祝三遍
各再拜

又造神麴法其麥蒸炊生三種齊等預前事麥三種合
和細磨之七月上寅日作麴溲欲剛擣欲粉細作熟餅

用圓鐵範令徑五寸厚一寸五分於平板上令壯士熟踏之以杙刺作孔淨揣東向開戶屋布麴餅於地閉塞竇戶密泥縫隙勿令通風滿七日翻之二七日聚之皆還密泥三七日出外日中曝之令燥麴成矣任意舉閤亦不用甕盛甕盛者則麴烏腹烏腹者透孔黑爛若欲多作者任人耳但須三麥齊等不以三石為限此麴一斗殺米三石笨麴一斗殺米六斗省費懸絕如此用七月七日焦麥麴及春酒麴皆笨麴法

女麴法秫稻米三斗淨浙炊為飯軟炊停令極冷以麴
範中用手餅之以青蒿上下奄之置牀上如作麥麴法
三七二十一日開看徧有黃衣則止三七日無衣乃停
要須衣徧乃止出日日曝之燥則用以藏瓜蒞最妙

釀酒法皆用春酒麴其米糠滓汁饋飯皆不用人及狗
鼠食之

黍米法酒預剉麴曝之令極燥三月三日秤麴三斤三
兩取水三斗三升浸麴經七日麴發細泡起然後取黍

米三斗三升淨淘凡酒米皆欲極淨水清乃止法酒尤
宜存意淘米不得淨則酒黑炊作再餽飯攤使冷著麴
汁中搗黍令散兩重布蓋甕口候米消盡更炊四斗半
米醖之每醖皆搗令散第三醖炊米六斗自此以後每
醖以漸和米甕無大小以滿為限酒味醇美宜合醅飲
食之飲半更炊米重醖如初不著水麴唯以漸加米選
得滿甕竟夏飲之不能窮盡所謂神異矣

作當梁酒法當梁下置甕故曰當梁以三月三日日未

出時取水三斗三升乾麴末三斗三升炊黍米三斗三升為再餽黍攤使極冷水麴黍俱時下之三月六日炊米六斗醖之三月九日炊米九斗醖之自此以後米之多少無復斗數任意醖之滿甕便止若欲取者但言偷酒勿云取酒假令出一石還炊一石米醖之甕還復滿亦為神異其糠瀋悉瀉坑中勿令狗鼠食之

杭米作酒法三月三日取井花水三斗三升絹篩麴末三斗三升杭米三斗三升糯米佳無者早糯米亦得充

事再餽弱炊攤令小冷先下水麴然後醱之七日更醱
用米六斗六升一七日更醱用米一石三斗二升二七
日更醱用米二石六斗四升乃止量酒備足便止合醅
飲者不復封泥令清者以盆密蓋泥封之經七日便極
清澄接取清者然後押之

作頤酒法八月九月中作者水定難調適宜煎湯三四
沸待冷然後浸麴酒無不佳大率用水多少醱米之節
畧準春酒而須以意消息之十月桑落時者酒氣味頗

類春酒

河東頤白酒法六月七月作用笨麴陳者彌佳剡治細
判麴一斗熟水三斗黍米七斗麴撒多少各隨門法常
於甕中釀無好甕者用先釀酒大甕淨洗曝乾側甕著
地作之旦起煮甘水至日午令湯色白乃止量取三斗
著盆中日西淘米四斗使淨即浸夜月炊作再餽飯令
四更中熟下黍飯席上薄攤令極冷於黍飯初熟時浸
麴向曉昧旦日未出時下釀以手搗破塊仰置勿蓋日

西更淘三斗米浸炊還令四更中稍熟攤極冷日未出
前醱之亦搗破塊明日便熟押出之酒氣香美乃勝桑
落時作者六月中唯得作一石米酒停得三五日七月
半後稍稍多作於北向戶大屋中作之第一如無北向
戶屋於清涼處亦得然要須日未出前清涼時下黍日
出已後熟即不成一石米者前炊五斗半後炊四斗半
笨麴桑落酒法預前淨剗麴細剗曝乾作釀池以藁茹
甕不如甕則酒甜用穰則大熱黍米淘須極淨九月九

日未出前收水九斗浸麴九斗當日即炊米九斗為饋下饋著空甕中以釜內炊湯及熱沃之令饋上者水深一寸餘便止以盆合頭良久水盡饋熟極軟瀉著蓆上攤之令冷挹取麴汁於甕中搗塊令破瀉甕中復以酒耙攪之每醖皆然兩重布蓋甕口七日一醖每醖皆用米九斗隨甕大小以滿為限假令六醖半前三醖皆用沃饋半後三醖作再餽黍其七醖者四炊沃饋三炊黍飯甕滿好熟然後押出香美勢力倍勝常酒

笨麴白醪酒法淨削治麴曝令燥清麴必須累餅置水中以水沒餅為候七日許搗令破漉出滓炊糯米為黍攤令極冷以意醖之且飲且醖乃至盡粒米亦得作作時必須寒食前令得一醖之也

作黃衣法

黃衣一名麥麴

六月中取小麥淨淘納於甕中以水

浸之令醋漉出熟蒸之槌箔上敷席置麥於上攤令厚二

寸許預前一日刈亂葉薄無亂葉者刈胡蓂

胡蓂蒼耳也

擇

去雜草無令有水露氣候麥冷以胡蓂覆之七日看黃

衣色足便出曝之令乾去胡萁而已慎勿颺簸齊人喜
當風颺去黃衣此大謬凡有所造作用麥麩者皆仰其
衣為勢今反颺去之作物必不善作黃蒸法七月中取
生小麥細磨之以水漉而蒸之氣脯好熟便下之攤令
冷布置覆蓋成就一如麥麩法亦勿颺之慮其所損
作藥法八月中作盆中浸小麥即傾去水日曝之一日
一度着水即去之腳生布麥于席上厚二寸一日一度
以水澆之芽生便止即散收令乾勿使餅餅則不復任

用此煮白錫藥若煮黑錫即待芽生青成餅然後以刀
剉取乾之欲令錫如琥珀色者以大麥為其藥

造常滿鹽法以不津甕受十石者一口置庭中石上以
白鹽滿之以甘水泛之令上恒有淅水須用時挹取煎
即成鹽還以甘水添之取一升添一升日曝之熱盛還
即成鹽永不窮盡風塵陰雨則蓋天晴爭還仰若黃鹽
鹹水者鹽汁則苦是以必須白鹽甘水

玄扈先生曰是法令鹽味佳永不窮盡恐無此理姑試之

造花鹽印鹽法五月中旱時取水二斗以鹽一斗投水中令清盡又以鹽投之水鹹極則鹽不復消融易器淘治沙汰之澄去垢土瀉清汁於淨器中鹽甚白不廢常用又一石還得八斗汁亦無多損好日無風塵時日中曝令成鹽浮即便是花鹽厚薄光澤似鍾乳久不接取即成印鹽大如豆粒四方千百相似而成印輒沈漉取之花印一鹽白如珂雪其味尤美

作醬法十二月正月為上時二月為中時三月為下時

用不津甕

甕津則壞植酢者亦不中用之

置日中高處石上

夏雨無令水浸甕底

以一鉗鏤一本作生

縮鉄釘子皆歲殺釘著甕底石下後雖有姪娘婦人食之醬亦不壞爛也

用春種

烏豆

春豆粒小而均晚豆粒大而雜

於大甕中燥蒸之氣餹半日許復

貯出更裝之迴在上居下

不爾則生熟不多調均也

氣餹周徧以灰

覆之經宿無令火絕

取乾牛屎圓累令中央空然之不烟勢類好炭者能多收常用作食

既無灰塵又不失火勝於草遠矣

齧看豆黃色黑極熟乃下日曝取乾

夜則聚覆無令潤濕

臨炊舂去皮更裝入甕中蒸令氣餹則下一

日曝之明旦起淨簸擇滿臼舂之而不碎

若不重餹碎而難淨

揀去碎者作熱湯於大盆中浸豆黃良久淘汰按去黑

皮

湯少則添慎勿易湯易湯則走失豆味令醬不美也

漉而蒸之

淘豆湯汁即煮細豆作醬以供

旋食大醬則不用汁

一炊傾下置淨席上攤令極冷預前日曝白

鹽黃蒸草蒿麥麴令極乾燥

鹽色黃者發醬苦鹽若潤濕令醬壞黃蒸令醬赤美

蒿令醬芬芳蒿按箴去草土麴及黃蒸各別擣細末篋馬尾羅彌好

大率豆黃一斗麴末

一斗黃蒸末一斗白鹽五升蒿子三指一撮

鹽少令醬酢後雖加

鹽無復美味其用神麴者一升當笨麴三升殺多故也

豆黃堆量不槩鹽麴輕重

平槩三種量訖於盆中面向太歲和之

向太歲則攪令無蛆虫也

均調以手痛按皆令潤徹亦面向太歲內著甕中手按

令堅以滿為限半則難熟盆蓋密泥無令漏氣熟便開

之

臘月五七日正月二月
四七日三月三七日

當縱橫裂周迴匝甕底生衣

悉貯出搗破硨兩甕分為三甕日未出前汲井花水於

盆中以燥鹽和之率一石水用鹽三斗澄取清汁又取

黃蒸於小盆內減鹽汁浸之接取黃滓漉去滓合鹽汁

瀉著甕中

率十石醬黃蒸三斗鹽水多少亦無
定方醬如薄粥便是豆乾水故也

仰甕口

曝之

諺曰姜蕤葵日
乾醬言其美矣

十日內每日數度以耙徹底攪之

十日後每日輒一攪三十日止雨即蓋甕無令水入水
生每經雨後輒須一攪解後二十日堪食然要百日始

熟耳

作酢法

酢者今醋也凡酢甕下皆須安磚石以離濕潤為姪娠婦人所壞者磚輒中乾土末淘著甕中

即還好崔寔曰四月可作酢五月五日亦可作酢

作大酢法七月七日取水作之大率麥麴二斗勿揚簸
水三斗粟未熟飯三斗攤令冷任甕大小依法加之以
滿為限先下麥麴次下水次下飯直置物攪之以綿幕

甕口扳刀橫甕上一七旦著井花水一碗三七日旦又著一碗便熟常置一瓢瓢以挹酢若用濕器內甕中則壞酢味也

秣米神酢法七月七日作置甕於屋下大率麥麩一斗水一石秣米三斗無秣者粘黍米亦中用隨甕大小以向滿為限先量水浸麥麩訖然後淨淘米炊而再餽攤令冷細擘面破勿令有塊子二頓下釀更不重投又以水就甕裏搗破小塊痛攪令和如粥乃止以綿幕口一

七日一攪二七日一攪三七日亦一攪一月日極熟十石甕不過五斗澱得數年停久為驗其淘米泔即瀉去勿令狗鼠啖得食貴添亦不得人啖

又法亦以七月七日取水大率麥麴一斗水三斗粟米熟飯二斗隨甕大小以向滿為度水及黃衣當日頓下之其飯分為三分七月初作時下一分當夜即沸又三七日更炊一分投之又三日復投一分但綿幕甕口無機刀益水之事溢即加甑也

大麥酢法七月七日作若七日不得作者必須收藏取
七口水十五日作除此兩日則不成於屋裏近戶裏邊
置甕大率小麥麩一石水三石大麥細造一石不用作
米則科麗是以用造簸訖淨淘炊作再餵飯揮令小煖
如人體下釀以杷攪之綿幕甕口二日便發時數攪不
攪則生白醖則不好以棘子徹底攪之恐有人髮落中
則壞醋悉爾亦去髮則還好六七日淨淘粟米五升亦
不用過細炊作再餵飯亦揮如人體投之杷攪綿幕三

四日看水消攪而嘗之味甘美則罷若苦者更炊三二升粟米投之以意斟酌量二七日可食三七日好熟香美淳醖一盞醋和水一碗乃可食之八月中接取清別甕貯之盆合泥頭得停數年未熟時一日三日須以冷水澆甕外引出熱氣勿令生水入甕中若用黍米投彌佳白倉粟米亦得

食經作大小豆千歲苦酒法

苦酒醋也

用大豆一斗熟沃之

漬令澤炊曝極燥以酒灌之任性多少以此為率

作小麥苦酒法小麥三斗炊令熟者罽中以布密封其口七日開之以二石薄酒沃之可久長不敗也

豆豉六月造豆豉黑豆不限多少三二斛亦得淨淘宿浸漉出瀝乾蒸之令熟於簾上攤候如人體蒿覆一如黃衣法三日一看候黃衣上遍即得又不可太過簸去黃曝乾以水浸拌之不得令太濕又不得令太乾但以手捉之使汁從指間出為候安瓮中實藥桑葉覆之厚可三寸以物蓋甕口密泥於日中七日開之曝乾又以

水拌卻入甕中一如前法六七度候好顏色即蒸過攤卻大氣又入甕中實築之封泥即成矣

麩豉六月造麩豉麥麩不限多少以水勻拌熟蒸攤如人體蒿艾罨取黃衣遍出攤曬令乾即以水拌令浥浥卻入缸瓮中實捺安於庭中倒合在地以灰圍之七日外取出攤曬若顏色未深又拌依前法入甕中色好為度色好黑後又蒸令熟及熟入甕中築泥卻一冬取喫溫暖勝豆豉

夏月飯甕井口邊無虫法清明節前二日夜雞鳴時炊黍熟取釜湯遍洗井口甕邊地則無馬蚯蚓百虫不近井甕矣甚是神驗

蒸藕法水和稻穰糟楷令淨斫去節與蜜灌孔裏使滿漉蘇麪封下頭蒸熟除麪瀉去蜜削去皮以刀截奠之

又云夏生冬熟雙奠亦得

按食經所載食物法甚多今以其近于農者錄之

蒸茄子法用子未成者

子成則不好也

以竹刀骨刀四破之

用鐵

則渝黑也湯燂去腥氣細切葱白蒸油香醬清擘葱白與茄

子共下煮令熟下椒薑末

作菹藏生菜法

蕪菁菘葵蜀芥鹹菹皆同

收菜時即擇取好者管蒲

束之作鹽水令極鹹於鹽水中洗菜即內甕中若先用
淡水洗者菹爛其洗菜鹽水澄取清者瀉著甕中令沒
菜肥即止不復調和菹色仍青以水洗去鹹汁煮為茹
與生菜不殊其蕪菁蜀芥二種三日杼出之粉黍米作
粥清擣麥麴麪作末絹篩布菜一行以麪末薄塗之
即下熟粥清重如此以滿甕為限其布菜法每行必塗

葉顛倒安之舊鹽汁還瀉甕中菹色黃而味美作淡菹
用黍米粥清及麥麴末味亦勝

釀菹法菹菜也一曰菹不切曰釀菹用乾蔓菁正月中
作以熱湯浸菜令柔軟解辦擇治淨洗沸湯燂即出於
水中淨洗便復作鹽水斬度出著箔上經宿菜色生好
粉黍米粥清亦用絹篩麥麴末澆菹布菜如前法然後
粥清不用大熱其汁纔令相淹不用過多泥頭七日便
熟菹甕以穰茹之釀酒法

藏生菜法九月十月中於墻南日陽中搗作坑深四五尺取雜菜種別布之一行菜一行土去坎一尺便止穰厚覆之得經冬須即取粲然與夏菜不殊

食經藏瓜法取白米一斗鑊中熬之以作糜下鹽使鹹淡適口調寒熱熟拭瓜以投其中蜜塗甕此蜀人方美好又法取小瓜百枚豉五升鹽三升破去瓜子以鹽布瓜片中次著甕中繇其口三日豉氣盡可食之

枸酸酒法若冬月造酒打扒遲而作酸即炒黑豆一二

升石灰二升或三升量酒多少加減却將石灰另炒黃
二件乘熱傾入缸內急將扞打轉過一二日搾則全美
矣○又方每酒一大瓶用赤小豆一升炒焦袋盛放酒
中即解

造千里醋烏梅去核一斤以釀醋五升浸一伏時曝乾
再入醋浸曝乾以醋盡為度搗為末以醋浸蒸餅和為
丸如雞豆大投一二丸於湯中即成好醋

治醬生蛆用草烏五七個切作四片撒入其蛆自死

治飯不饑用生苋菜鋪蓋飯上則飯不作餒氣

營室

襍附

沈括曰營室之法謂之木經或云喻晤所撰凡屋有三
分自梁以上為上分地以上為中分階為下分凡梁長
幾何則配極幾何以為椽等如梁長八尺配極三尺五
寸則廳法堂也此謂之上分楹若干尺則配堂基若干
尺以為椽等若一丈一尺則階基四尺五寸之類以至
承拱椽桷皆有定法謂之中分階級有峻平慢三等宮

中則以御輦為法凡自下而登前竿垂盡臂後竿展盡

臂為峻道

荷輦十二人前二人曰前竿女曰前條又次曰前會後三人曰後脇又後曰後條末後曰

後竿輦前隊長一人曰傳倡後一人曰報賽

前竿平肘後竿平肩為慢道前

竿垂手後竿平肩為平道此之為下分其書三卷近歲
土木之工益為嚴道善舊木經多不用未有人重為之
亦良工之一業也

王禎法製長生屋論曰天生五材民並用之而水火皆
能為災火之為災尤其暴者也春秋左氏傳曰天火曰

災人火曰火夫古之火正或食于心或食于味味為鶉
火心為大火天火之孽雖曰氣運所感亦必假於人火
而後作焉人之飲食非火不成人之寢處非火不明人
火之孽失於不慎始於毫髮終於延綿且火得木而生
得水而熄至土而盡故木者火之母人之居室皆資于
木易以生患水者火之牡而足以勝火人皆知之土者
火之子而足以禦火而人未之知也水者救之于已然
之後土者禦于未然之前救于已然之後者難為功禦

於未然之前者易為力此曲突徙薪之謀所以愈于焦頭爛額之功也吾嘗觀古人救火之術宋災樂喜為政使伯氏司里火所未至徹小屋塗大屋陳畚揭具綆缶備水器蓄水潦積土塗表火道此救療之法也是皆救于已然之後嘗見往年腹裏諸郡所居瓦屋則用磚甃松簷草屋則用泥朽上下既防延燒且易救護又有別置府藏外護磚泥謂之土庫火不能入竊以此推之凡農家居屋廚屋蠶屋倉屋牛屋皆宜以法製泥土為用

先宜選用壯大材木締構既成椽上鋪板板上傅泥泥
上用法製油灰泥塗飾待日曝乾堅如瓷石可以代瓦
凡屋中內外材木露者與夫門窓壁堵通用法製灰泥
朽墁之務要勻厚固密勿有罅隙可免焚燬之患名曰
法製長生屋是乃禦於未然之前誠為長策又豈特農
家所宜哉今之高堂大厦危樓傑閣所以居珍寶而奉
身體者誠為不貲一旦患生于不測釁起于微眇轉盼
搖足化為煨燼之區瓦礫之場千金之軀亦或不保良

可哀憫平居暇日誠能依此製造不惟歷劫火而不壞
亦可防風雨而不朽至若闐闐之市居民輳集雖不能
盡依此法其間或有一焉亦可以間隔火道不至延燒
安可惜一時之費而不為永久萬全之計哉

法製灰泥法用磚屑為末白善泥桐油枯

如無桐油枯
以油代之

芋炭石灰糯米膠以前五件等分為末將糯米膠調和
得所地面為磚則用磚模脫出趁濕于良平地上用
泥墁成一片半年乾硬如石磚然朽墁屋宇則加紙筋

和勻用之不致拆裂塗飾材木上用帶筋石灰如材木
光處則用小竹釘簪麻鬚惹泥不致脫落

造雨衣法茯苓狼毒與天仙貝母蒼朮等分全半夏浮
萍加一倍九升水煮不須添騰騰慢火熬乾淨雨下隨
君到處穿莫道單衫元是布勝如披著幾重氈

去墨汙衣用棗嚼爛搓之仍用冷水洗無迹或用飯擦
之或嚼生杏仁旋吐旋洗皆可

去油汙衣用蛤粉厚摻汙處以熱熨斗坐粉上良久即

去或用蕎麥麪鋪上下紙隔定熨之無迹或用白沸湯
泡紫蘇擺洗若牛油汙者用生粟米洗之羊油汙者用
石灰湯洗之皆淨

洗黃泥汙衣以生薑按過用水擺去

洗蟹黃汙衣用蟹中腮措之即去

洗血汙衣用冷水洗即淨若瘡中膿汙衣用牛皮膠洗
之

洗白衣取豆稽灰或茶子去殼洗之或煮蘿蔔湯或煮

芋汁洗之皆妙

洗葛蕉清水揉梅花葉洗之不脆或用梅葉搗碎泡洗之亦可

洗竹布竹布不可揉洗須褶起以隔宿米泔浸半日次用溫水淋之用手輕按曬乾則垢膩盡去

洗黃草布以肥皂水洗取清灰汁浸壓不可揉

漂苧布用梅葉搗汁以水和浸次用清水漂之帶水鋪晒未白再浸再晒

治漆汙衣用油洗或以溫湯畧擺過細嚼杏仁接洗又擺之無迹或先以麻油洗去用皂角洗之亦妙

治糞汙衣埋土中一伏時取出洗之則無穢氣

燠衣除虱用百部秦艽搗為末依焚香樣以竹籠覆蓋放衣在上燠之虱自落若用二味煮湯洗衣尤妙

去蠅矢汙巾帽上取蟾酥一蜆殼許用新汲水化開淨刷牙蘸水遍刷過候乾則蚊蠅自不作穢或用大燈草或束捲定堅擦其迹自去

絡絲不亂木槿葉揉汁浸絲則不亂

收氈物不蛀用芫花末摻之或用晒乾黃蒿布撒收捲則不蛀

收皮物不蛀用芫花末摻之則不蛀或以艾捲置甕口泥封甕口亦可

補磁碗先將磁碗烘熱用雞子清調石灰補之甚牢又法用白芨一錢石灰一錢水調補之

補缸缸有裂縫者先用竹篾箍定烈日中曬縫令乾用

澀青火鎔塗之入縫內令滿更用火畧烘塗開水不滲漏勝於油灰

穿井凡開井必用數大盆貯水置各處俟夜氣明朗觀所照星何處最大而明則地必有甘泉試之屢驗

補磚縫草官桂末補磚縫中則草不生

浸炭不爆米泔浸炭一宿架起令乾燒之不爆

留宿火用好胡桃一箇燒半紅埋熱灰中三日尚不燼

長明燈雄黃硫黃乳香澀青大麥麴乾漆胡蘆頭牙硝

等分為末漆和為丸如彈子大穿一孔用鐵線懸繫陰乾一丸可點一夜

點書燈用麻油炷燈不損目每一斤入桐油二兩則不燥又辟鼠耗若菜油每斤入桐油三兩以鹽少許置盞中亦可省油以生薑擦盞不生滓暈以蘇木煎燈心晒乾炷之無燼

乾蜜法地丁花皂角花百合花共陰乾等分為末黃蠟丸如彈子大收之每十斤蜜砂鍋內煉沸滾掇碎一丸

在蜜候滾乾滴在水內如凝不散成蠟得三十兩

祛寒法用馬牙硝為細末唾調塗手及面則寒月迎風不冷

護足法用防風細辛草烏為末摻鞋底若著靴則水調塗足心若草鞋則以水濕草鞋之底沾上藥末雖遠行不疼不趺

治壁虱用蕎麥稈作薦可除或蜈蚣萍晒乾燒烟熏之辟蟻凡器物用肥皂湯洗抹布抹之則蟻不敢上

辟蠅臘月內取棟樹子濃汁煎澄清泥封藏之用時取出些少先將抹布洗淨浸入棟汁內扭乾抹宴用什物則蠅自去

辟蚊蠹諸虫用鰻鱧魚乾于室中燒之蚊虫皆化為水若熏檀物斷蛀虫置其骨于衣箱中則斷蠹魚若熏屋宅免竹木生蛀及殺白蟻之類

治菜生虫用泥礬煎湯候冷灑之虫自死

解魘魅凡卧房內有魘魅捉出者不要放手速以熱油

煎之次投火中其匠不死即病○又法起造房屋于上梁之日偷匠人六尺竿并墨斗以木馬兩個置二門外東西相對先以六尺竿橫放木馬上次將墨斗線橫放竿上不令匠知上梁畢令衆匠人跨過如使魘魅者則不敢跨

逐鬼魅法人家或有鬼怪密用水一鍾研雌黃一二錢向東南桃枝縛作一束濡雌黃水洒之則絕跡矣所用物件切忌婦女知之有犯再用新者

祛狐狸法妖狸能變形惟千百年枯木能照之可尋得
年久枯木擊之其形自見

農政全書卷四十二